



Inatsisartunut ilaasortaq Andreas Uldum, Demokraatit

Naalakkersuisut qanoq ilillutik KNR-p public service-mut pisussaaffimminik naam-massinninnissaanik qulakkeerinissaat pillugu apeqqummut akissut

Asasara Andreas

Inatsisartut suleriaasianni § 36, imm. 1 naapertorlugu Naalakkersuisut qanoq ilillutik KNR-ip public service-mut pisussaaffimminik naammassinninnissaanik qulakkeerinissaat pillugu apeqquteqarputit.

Aallarniutigalugu oqaatigissavara inatsit nalunaarutilu makku KNR-ip sulineranut tunngaviummata:

- Radiukkut tv-kkullu aallakaatitsisarneq pillugu Inatsisartut peqqussutaat nr. 6, 14. november 2004-meersoq
- Kalaallit Nunaata Radioanut (KNR) ileqqoreqqusat pillugit Namminersornerullutik Oqartussat nalunaarutaat nr. 17, 1. juli 2005-imeersoq
- Radium tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaat nr. 8, 5. juli 2006-imeersoq.

Naalakkersuisut KNR-ilu Radiukkut tv-kkullu aallakaatitsisarneq pillugu Inatsisartut peqqussutaanni nr. 6-imi, 14. november 2004-meersumi § 28 naapertorlugu ukiunut sisamanut anguniagassat pillugit isumaqtigiissuteqartarpit innuttaasunik kiffartuussinermi pisussaaffiit annertussusiinik qanorlu ittuunissaannik erseqqinnerusumik aalajangersaaffiusumik. Isumaqtigiissut siulleq piffissamut 1. januar 2006 - 31. december 2008-mut atuuppoq.

Isumaqtigiissutip tullia piffissamut 1. januar 2009-mit ukiut sisamat atuuttussaq suli suliarineqarpoq, KNR 2009-mi nutaanik aqtsisoqalermaat aqutsisullu suliffeqarfimmi inissinnissaat isumaqtigiissuteqarnissami utaqqineqarsimalluni. Taamatuttaaq isumaqtigiissutip pisariillisarneqarnissaa pisariaqartinneqarsimavoq, isumaqtigiissummi radio tv-lu pillugit inatsimmi nalunaarutinilu marlunni taakkunani allaaserineqareersut nangeqqinnejqannginniassammata. Kiisalu Kultureqarnermut, Ilinniartitaanermut, Ilisimatusarnermut Ilageeqarnermullu Aqutsisoqarfiup KNR oqaloqatigalugu isumaqtigiissutip imai naleqqussarsimavai anguniagassatut aalajangersarneqartut piviusunngortinnejqarsinnaanngorlugit. Aqutsisoqarfiup maanna isumaqtigiissut naammassisaleruttorpaa.

Ukioq manna juulip ulluisa aallaqqaataata tungaanut Radio TV-lu pillugit Aalajangiisartut ilaatigut KNR pillugu Naalakkersuisunut siunnersuinissamik suliassaqarsimapput,

16. juni 2010

Sagsnr. 2010-032669

Dok. Nr. 398302

Postboks 1029

3900 Nuuk

Tlf: +299 34 50 00

Fax: +299 32 20 73

Email: kiiin@nanoq.gl

www.nanoq.gl

tassunga ilanngullugu aamma KNR-ip public servicemik pisussaaffimminik naammassinninneranik nakkutilliinissaq. Aalajangiisartut juulip ulluisa aallaqqaataanit atorunnaarsinneqarnerannit Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfuiup kisimi tamanna suliassarilerpaa.

Inussiarnersumik inuullaqqusilluta

Mimi Karlsen